





asmosendoa, Aita Santuac devocioan biotzetie gogoz eguiten dutenentzaco esleituac dauzcan indurencia edo barcacioac irabazteco, eta jarduera santu onen bidez iristen degun guztia, izan bedi purgatorioan dauden arima, batez ere guc zorrie gueyena diotegunen alde, gueuren becatuen eta oen zorren barcaciocaco, eta zure gloriarie andienetaco. Amen.

LENENGO GUERDIA.

Eriotzaco sententia gure Jaunari eman cioten lecua.

Gogora ecarzu, nere arima, nola judu gogorrac azerie cale, echerie eche, emen zorotzat, an farragarritzat munduco guizonie errebesenata gaizquille-ena bazan bezala erabiliaz gure Jesus maitagarria, azc-

teaz ceaturie ezurrac aguercearaño urratu; ta azquenean berenduric ifini zuten Pilatos, gurutcean vicia quentceco sententia ematera. ¡Oh, gubanaco dezun amodio andiaren bidez aibeste neque portitz, eta onace samin eraman cinituen Jesus gozoa! ¡Cembar bider zure amodioari eguiazco naitasunarequin eranzun bearrean, eman izandet nie ere Zu gurutzean ilzece sententia, nere gogo gaizto, eta grina charrac betetzeagatic? ¡Ah nere gasteatunaren oroipen lotsagarri tristeal! ¡Oh dempora artaco egun zorigaiztoaco! ¡Certan igaro nituen espada zoraquerian eta becatua becatuari egozten? Eta, Jauna, ¿aztuac ote dauzcatzu zue, orduco nere bide bagueco utsaldia iraingarriac? ¡Ecin dateque oril! ¡Ay nere esquerbaguequeria, eta becatu astunac, ceintzue

utci zaituzten zu nere Jesus ona burutic onetaraño zauri bat eguiñic! eta ala ere, niri ongui nayaz ontzat daramaizquitzu guztia. ¡O amodiozco jabe maitagarria! Ez ote naiz ni bigunduric mugitueco nere becatuac gatic negar eguitera, eta zu bear bezala amaturic ondo serbitzazera? Bay nere biotzece Aita maitea, bay, berpertatie artcen det asmo oso beca, ez gueyagoren gueyago becatuac eguiteco, eta zure laguntzaren bidez bieitza on batean irauteco; eta cerren oraindaño aibeste bider iraindu edo ofenditu zaituran damu det, Jauna, nere biotz guztitac eta urruqui zaitez nizaz. *Aita gurea eta Ave Maria, etc.*

BIGARREN GUERDIA.

Gure Redemptoriari sorbaldan gurutzea ifini cioten lecua.

Nere arima ¡nai dezu icusi cein andia dan Jesus maitagarriac zuri dizun amodiozco naitasuna? Entzun itzatzu bada, zure becatuen zama edo gurutcea bere gañean artu cebanean esan cituen itz goisho oee. ¡O gurutze maitea esango ceban! ¡O aspaldian chit gogoz nere biotzaren erdian zarabilzadan sari onetia! Atoz, atoz nigana nere lastana, eta arnazazu ceure beso zahar orretan, zu bitarteco cegala paqueac eguin ditzatan guizonac Aita Eternorequin. Zuan illtzece jachi nintzan Cerutic, eta jantci nintzan araguitz. ¡O cembat atsecabe ta ne-

que gostaco zaizquidan! Baña ez da ansi; zurequin garaitu bear ditut nere etsayac; zu, zu izango cerra nere esleituay Paradisuco ate andiac iriquitceco guilltza nagusia, eta zugarquituco dute becatari gaishoac nai bezalaco laguntza ta gordelecua. Ecusten dezu, nere arima, Jesu Cristo zure Eguille, Erregue, ta Eracusle edo maisuaren humiltasuna, eta paciencia bere nequerie andienen tartean; eta onelaco leyaltearequin zugaraco amodio berobici gartsua beguien aurrean dautsun ezquero ~~ez~~ dituzu bada eramango aren icenean, edo berari zordiozun naitasun andiari eranzuteagaitie, lurraco neque ta arrastacac, eritasun ta atsecabeac, beartasun ta laceriac, eta zure etsay guztien perseguiteac? Bay nere Jesus ona, eta pocie alere, zue laguntzen dirazula

huririe, nequetan gau guztia eta goiza igaro ondoan; nola igo alci-tequean Jesus maitagarria Galvario-co mendira estropozoca ta erorca baicie, oficada edo pauso bat bacarra ere aurrera ecin emanic? Bacecusten borrero biotz gogor ayec, gure Salvadorea gurutzetzar astunaren pisutasunac benzuturie lurrean auspez cetzala, eta ala ere, andie alchatcen lagundu bearrean, erasotcen diote berriro illetie tiraca, golpea ta osticoca. O biotz gogortasunezco odolguirodi izugarria! Eta Cer deizquiotzu zue, nere arima? Zure Jauna ta jabe eguiacoco bacarra osticopean guisa orretan icusirie, zabilza zu ardura bague munduco atseguintasun liquits, gugari lizun, andinay, arrotasun eta eroqueria galgarrien billa? Noiz artean ibilli bear ote dezu gaisho

nay nituzque gaurtie aurrera eraman pacienciarequin zue bezala mundutarren bidebaguequeriazco charqueri, isheca lotsagarri, eta gañeron-tzeco eguicari caltarquitsu guztia, eta oraindano ez onela eramanaz damu det nere biotz guztitie; damu det, Jauna, zu ofenditua, urruqui zaitez nizaz. *Aita gurea, eta Ave Maria.*

IRUGARREN GUERALDIA.

Gurutzearequin Jesus lendabici erori zan lecua.

Beguiria, nere arima, zure pecatuac nola ta cer moduz ifini duten Jesus maitea. Gurutcea sorbaldan arturic, abiatcen da Galvario-co bidean; bañan ¡ay! bota milla ta gue-yago azotetz guisa artan urratu, ta aimbeste odol bere gorputzetie is-

urricarri orrec, burutic jausia bezala, emengo gauza erquin char caltarquitsuen ondoren? Noiz biurtuco ote-cera arren zuri jarraica zure deyez beti dabillen eta dagoquizon eta bereganatu nay cinduzquitan Jaungoico maitagarriagana? Ez da zuretzat ondra ta dicharic asco aren seme izatea? Bay nere Jesus ona! Batere luzatu bague nai det herpertatie nere gaiztaqueria guztietatie irtenic izauli zugana O edertasun paregabea! Eta cein berandu ezagutu zaitaran Ay Jauna! Eta nie zu utzi aimbeste bider? Izandu naiz bay ni noizbait zure etsairie andienetatie bat. Ay nere nequea! Ojala zu atsecabetu baño lenago ill banitz milla bider! Zure oneguitasun bucaerarie baguecoari beguiratuta damu det Jauna zu ofenditua, urruqui zaitez nizaz. *Aita gurea eta Ave Maria*



*Jesu Cristoc bere Ama guztiz Santa
tea topatu cehan lecu.*

¡O cein andiac, gogorrae eta gar-
ratzac izango ciraden Jesus onare-
quin bere Ama maitatzen aldi
onetaco neque ta oñace portitzac!
Abiatzen da Ama birgina bere Se-
mearen billa, etatoputzen du Jeru-
salengo carrican gurutzepisu bat sor-
baldan etarrire, lapur birequin da-
ramatela, oen erdian ill-erazotzeco.
Badarraica ondoren, nay lioque itze-
quin ta adiaraci bere neque, eta
naibague izugarria; bañan semea-
ren egoitza edo erretrato negargar-
riari beguiratuta, guelditzen da cor-
de-bagueturic icerdi otzac emanta
illa bezala. ¡Ay orduco aen bien

atsecabe andi, eta laceriaren min-
garria! ¡Nore bear bezala esan ta
adiaraci Ama Seme-en une artaco
neque, ta naibagueac? Aen minga-
ñac arquiteen baciran ere maitaco
batac besteari itzeguiteco quemen
bague, esango cion Seme onaren
biotzac Ama maiteari ¡Ah nere
Ama onetara! ¡Certaco etorri cera
onara? Zure neque, ta naigabeac
gueiagoturic andituten dizquidate
nere atsecabe ta oñaceac, eta zure
negar gaci samiñac erdiraturic quis-
calteen dute gueiaco ta gueigo nere
barru guztia. Zoaz arren etendie
lembait len nere Ama gozoa; biur
zaite ceure eremu edo oracio-to-
quira; alabañan ere ez dirudi on-
do, eta ez dagoquo ere zu ceran
bezalaco Virginia garbi bati, guizon
illtzalle ta lapur añeneco gaiztoen
artean egotea. Orra, nere arima

orra cer neque ta naigaveac zugai-
tic igaro cituzten Jesus onac, eta
beraren Ama maitatiac. Eta zu ¿et-
zera cupitzen? ¿Etzaitzu biotza bi-
gundu ta erdiratzen? Eguizu, egui-
zu negar benazqui biotzetie, esaten
dezula, damu det, nere Jaungoico
ona, zu ofenditua, urruqui zaitez
nizaz. Aita gurea, eta Ave Maria.



*Simon Cireñecoac gurutzea eramaten
Jesu Christori lagundu cion lecu.*

¡Ay nere arimagaishoa! Bacene-
qui ondo zure becatuen astuntasunac
cembateraño necaturic eunatu zu-
ten Jesus maitagarria, eta gogoan
bacenerabiltza beti jaun andi are
negargarrizco gueraldi onetan igaro
citan icaragarrizco atsecabe, neque

ta oñaceac; cein pozie eta atseguin-
tasun andian eramango cintuzquean
emengo laceri gaizto eta ez-bearrie
gogorrenac ere. Gurutze pisu are
sorbaldan zauri andi bat iriqui, eta
ozta ozta cegoan bere oñen gañean
Jesus ona, eta Galbarioco mendira
iritsi baño len, ill-otza gueldi ce-
quioten beldurraz, eman cioten Ju-
duac gurutzea eramateco laguntzat
Simon ceritzan Cireñeco guizon bat.
Bay, esaten du Jesus maitagarriac,
bay, gurutzeeco edo nequeeco toqui
guztiz latza danic daramadan bidea,
eta gurutcea sorbaldan dabela jar-
raitu bearco dit niri ondoren, nere-
quin batean Cerura nay dabenac.
Eta zuc, nere arima ¿nay dezu bici
ceure atseguinera, ain aisha ta arin,
bide lasay erosoetan zabiltzala bate-
re necatu bague, eta naibagueric
guichiena icusi orduco eroa bezala

asaldatzen cerala, eraman nay ez dezulariezure Jaunaren icenean, izan alditequean atsecabe ta beartasunic chiquiena ere? ; Cer bada? Jesusec aimbeste amodiozco naitasunequin eracutsi cizun Ceruraco bide zuzena uteric, nay dezu sartu, ta ibilli ceure gogo gaiztoac ichuturic zaramazquien loezti zabal liquits galgarrietan? ; Ez nere Jesus maitagarria, ez orrelacoric! Zuc eracutsi cenidan bide garbi zucenean ibilli nay det bici naizan arte guzti guztian; eta lenagotic au ez eguina, damu ta damu det, Jauna, nere biotz guztitic, aimbeste bider ofenditu zaituralaco ain bidebaguequiro, urruqui zaitetz nizaz. *Aita gurea, eta Ave Maria.*

SEIGARRREN GUERALDIA.

Veronica ceritzan emacume batec gure Jesus maiteari arpeguia garbitu cion lecu.

¡O cein ondradua, opaya, ta sari-emalle prestua dan gure Jauna, bera ondo maitaturic leyalquiro serbitzatcen dutenentzaco! Veronica deitzen citzayon emacume arc etcequien Jesu Cristo nor zan; banan icusi cebanean, nola ceramaten guztia odolduric gurutcean illtzera, urruquitu zan chit, eta biotza aimbesteraño bigundu citzayon, non gende artelic sartu, ta garbitu cion bere arpeguia zapi batequin, ceñetan leyaltare onen saritzat utzi cion Jesus onac bere arpeguico antz irudin oso bete betea,

eta biotza bereganaco amodioz josisic. Enzun ezazu, nere arima, ¡Ez dezu bada zuc ere serbitzatuco gogoz Jaun bat ain ona, sari-emallea eta guztia dezaqueana? ; Ez ote dezu artuco naitasun andiarequin Jesusec ematen dizun gurutze ariña, edo aren iceneco cerbait neque aisha eguin dezaquezuqueana, beti betico ondasun andiac irabazteagatic bedere? ; Ondo nombait lotua, lilluratua, eta zoratua zauzcate lurreco gauza erquin char galgarriac! Ea bada, iriqui itzazu bein edo bein ceure beguiac eta oraindaño eguindaco utseguite guztien damu eguiazco bat artu, ta berriz becaturic ez eguiteco asmo osoarequin esazu biotcetic, damu det, nere Jaungoico ona, zu ofenditua, urruqui zaitetz nizaz. *Aita gurea, eta Ave Maria.*

ZAZPIGARREN GUERALDIA.

Jesus gure Eroslea edo Redemptorea gurutzearequin bigarren aldian erori zan lecu.

Jerusalendic irten ta Galbarioco mendira ceramatela gure Salvatzalle maitea gurutzearen astuntasun andiac bigarren aldian botaerazo ceban lurrera; eta andic nolapait bederic nequetan jaiqui zanean, beguiratu cion Jerusalengo Uriari, negar ta negar eguiten cebala benazqui. Bacequien alabañan ere, cer guertatu bear citzayon zorigaiztozco Uri doacabe ari. Icusten ceban arguiroqui alper alperic izango ciradela, ascorentzat beintzat, len ta guero guizonaren oneraco ceramazquien neque ta arrastaca

izugarriac. Munduco becatu guztien ordaina aimbeste gostaric Jaungoicoaren justiciari eman, edo gaizquille guztien zorrac ain garesti cearo ta osotero berac nocitu, eta alaere asco ta asco izango cirala, gentiledo fedebagueco-etatic ez ecen Cristan eguindacoen artean ere, passio samin garratzeco odol-ishurtea ecertan euquico etzuten ezquer gaiztocoac. Anitz ta anitz izango ere cirala, aren legue santua milla bider ausi, ta osticopean erabillico zutenac, eta beren nay izatez Lucifer gaiztoaren morroy, ta mendeco billau eguiñic, Infernuan su ta garquiscaltzen secula guztian egongo ciranac. Au guztia gogoan ceucan bada Jesus maitagarriac, eta oroipen bera zan aren miñic gogorrena, ta illturaric andien andiena. ¡Ay nere arima! becatu bat bacarrare-

quin galdu centzaque zure Jaungoico ona, eta ceure nay izatez, edo ceure erruz infernuru cindezque beti betico. Eta eguia au jaquinic ¡bici cera ain lasay, ta ardura bague? ¡O fedearen argala! Eta bici-modu gaizto orretan iraun, ta ceure burua secula betico galdu bel-durrean ain perill-urcoan egoteari ondo derizquiotzu? ¡Ez, ez nere Jaungoico maitea! Zue eguin ninduzun ceuretzat izategaitic; zu lurreanserbitzateco, eta Ceruan doat-sueraz beteric beti ta beti zure gloria andiac gozatzeco. Ona bada, Jauna, ona nere biotzaprest, zure nayera santua gogoz eguiteco. Ez gueyagoren gueyago becatuic; zure ontasuna ain andia dalaco, damu det, Jauna, zu ofenditua, urruqui zaitetz niaz. *Aita gurea, eta Ave Maria.*

ZORZIGARREN GUERALDIA.

Jesus maitatiac Jerusalengo alabay itz eguin cien lecu.

O Jaunaren amodiozco ontasun bucaerarie baguecoa! Aultasunaren aultasunaz, munduco becatuen pisu andia ecin irozotuz aunaturic, quemen bague guztiz necatua cijoan Jesus Galbarioco hide latz gogorrean, eta alaere, bere naibague ta eritasun portitzac arras azturic, edo gaiztratua ez bacegoen bezala, jarri zan Jerusalengo alabay cer eguin bear zuten eracusten. ¡Hay emacumeac! esan cien, becatuagaitic, becatuagaitic eguinbear dezute negar, eta ez nigaitic, cerren becatuaren sugarrac zuaiz edo arbola ece au ain erraz erretcen badu ¡nola ez ditu quis-

calduco berotasun andi orrec egur igarrac? Esan balu bezala, Baldin Aita Eternoac ain gogor artzen badu bere Seme maitea besteren becatuagaitic, ¡cer izango da sinismenic eta legueric bague Jaungoicoa ofenditcen beti bicitu dan becatariac? ¡Ay nere arima! Cer ta nolaco cemaya edo castigu gogorraren beguira zauden, baldin Jaungoicoac dempora ematen dizun bitartean, ondo baliatcen cerala, eguiten ecpadezu ceure becatuen miñaria edo penitencia eguiacoa. Ea bada, lurreco andiuste, arrotasun, eta zoraqueria guztia berpertatic alde bat utciric, artuezazu, bay, arren artuezazu Ceruraco bide zucena, eta biciera santu bat eguiteco asmo osoarequin, esazu biotcetic damu det, nere Jaungoico eguiacoa zu ofenditua, urruqui zaitetz niaz. *Aita gurea, eta Ave Maria.*

toetan jarteco; lenago bearco det ill, zu atsecabeteera berriz biurtu bano; damu det, Jauna, nere biotz guztitico zu ofenditua, urruquizaitez nizaz. Aita gurea, eta Ave Maria.

AMARGARREN GUERALDIA.

Jesu Christori bere soñecoac quendu cioten lecu.

Guero-enean ere, nolapait bederic, irichi zan Jesus maitagarria Galvarioco mendi latz artara; eta ecin gueyagoraho necaturic chit aunatua bacegoan ere, etzioten eman atsedeteco lecuric borrero gogogor ayee, baicican berealaishen ta prest bere soñeco janci guztia cupidarie bague urtica edo tiraca quenduric, odola chiraian ceriola ilini zuten larru gorrian, norc da-

qui cembat gende beguira cegozquiola, eta artu-erazo cioten guizonari secular emanzayon lotsarie andiena. ¡Oh Jaungoico miraritsua! ¿Norc ecusi du onelacoric! ¿Larrugorrian ceruetaco Erregue, ta mundu osoaren Jabea? ¿Larrugorrian Aita Eternoaren Seme bacar guztiz maite maitagarria, egunaren erdi erdian, ain toqui aguiricoan, eta aimbeste guizon ta emacume lotsa galdutacoen aurrean? ¿Larrugorrian Ceru ta lurrrac ecerecetic eguin dituan Jaunic aberatsen ta altsuena? Eta, ¿cergaitic? ¡Ay nie esquer gaiztoco doacabe onec ain lotsabaguequiro nere buruari grina charren bidez eman diozcan atseguintasun lizon liquits galgarriac gaitic: eta nie ain ecer guichiren truque galdu neban esquer andico soñeco eder aberatsa nigana oster

iraullarazo nayaz. ¡Ay nere becatu itsusi ciquin loitsu madaricatuac! Zuec cerate bay, zuec cerate zori gaiztoan aguertu cinatenac nere arimaren ondagarriac, eta Jesus maitatiaren borrero gogorrac. Baldin berriz etorri bearrac baceuntezquetecue, etcenduqueteque nigan arquiteco ez lecuric chicarrena ezen laguntzaric chiquien chiquiena ere. ¡Ay nere Jesus gustiz ona! ¡Ay nie tempora batean orain bezala ezagutu izan bacindut, cein urruti egongo nintzan zu atsecabeteetic! ¡Ay beti zu amateen bici izan banintz! Damu det, Jauna, milla bider zu ain sarri ta bidebaguequiro ofenditua, urruqui zaitez nizaz. Aita gurea, eta Ave Maria.

AMACAGARREN GUERALDIA.

Jaungoicoaren Seme bacarra gurutean illtzez josi zuten lecu.

Baldin Jesus maitatiac, toqui onetaraño ceramazquien neque, arrastaca, isbeca, ta oñaceac baciraden icusi ditugun becin andi icaragarriac, ¿nolacoac izango ote ciran gueraldi onetan nocitu cituanac? Beazunarequin naastutaco edari guztiz samin garratibat eman ta ondorean ezarri erazotcen dute Jesus maitagarria borrero odolguirodi gogorrac gurutcean; josten dute illtce sendoaquin zañac eta ezurrac urratu ta trisquillatuaz, eta aguertcen da mundu osoaren Eguille ta Salvatzallea guruteetzar batean illtzatua, eta lapur biren erdian. Ea bada,

nere arima, alchatu itzazu ondo iriquire ceure beguiac, eta baldin biotzac lagunzen badizu, icusi ezazu nor ote dan, cer aridan edo nola dagoan, orrace gurutce orretan daucazun ori. ¡Ay an egoitzaren gogorra ta icaragarria iteguiten duela dagoen guizon onesqui batentzat! Orta, nere arima, orra cembat estura larri, onace ta lazeri portitz daramazquien zure zorren ordain Jaungoicoaren Seme bacar eguiac-coac. Beguira eguiogu berriz ta berriz ere, eta icusi ezazu oarrez ta artezaz ispillu biotz-illtoraco orretan cein andiac eta izugarriac diran zure becatu liquits gaiztoen zorrac. Beguira zayozu ondo ta aspertubague ezic, or icusico dituzu argui ta garbi zure zoraqueria ta burubaguetasunaz eguindaco ibillera itsusien bidez cereganatu dituzun sari lizun

galgarriac, cer ta nolacoac diraden ¡Ay! cer izango zan zuzaz, baldin zure arimaco eritasunac bere gain artu ezipalitu Jaun maitagarri orrec! Cer zor ez diozu bada, zugaitic edo zuri dizun amodioagaitic ain bidebaguequiro ta ichura charrean gurutcean illtzez josiric dagoen Jaungoico guizon orri? ¡O amodioaren gueyegui! ¡Eta au guztia cenequiela eguin izan dituzu, zucnere arima, aimbeste becatu? Au guztia seguro daquizularic bici cera zure gogo gaizto ta griña charrac escatcen dizuten guzti guztia eguiñaz ta emanaz? ¡Ay ori eraqueriaren andia! Edo ta zaude burutic arraz jaucia edo dezu alzaiduzco biotza, edo ta cera ceureburua infernatcecoaleguin guztia eguin nay dituzuna, edo ez daquit cer dezun ta cer asmo darabiltzun. ¡Noiz oterano gaisho

urruccarri orrec izan nay dezu ain buru gogor ta esquer baguea? ¡Noiz asico ote cera Aita biotz bigundun aren amodiozco naitasunari eranzumpideten? ¡O nere Jesus guztiz ona! Cembat eta cembat ote da, arren, nic zuri zor dizurana! ¡Ha! ¡nore leuquequean niczuri eguin dizquituzan bide bagueco esquebaguequeri itsusiay dagoqui ten damu eguiaczo bat biotceanay Jauna! Aitortzen det, bay, biotzaren erdi erditic, ceingaiiqui erantzupidetudioran nic zure amodiozco naitasun bucaerari baguecoari. Bañan cer eguin aldezaquet nic? Emen nator bada guero-enean ere zugana. Bay nere Jaungoico maitagarria, bay, nere becatuen lotsaz beguiac ecin arguituric eta damuz beteric, zure onetara biurtcen naiz barcacio esque, eta artu nazazu arren cere-

gana. ¡Ay cer dicha, ill banitz ni zu atsecabetu baño lenago. Damu det, Jauna, nere biotz guztitic zu aimbeste bider ofenditua, urruqui zaitez nizaz. Aita gurea, eta Aita Maria.



AMADIGARREN GUERALDIA.

*Gure Eguille ta Erosle aundia
gurutzean etsay gaiztoac
illtutzen lecu.*

Iru orduez egondu zan Jesus ona gurutcean illtzez josiric. Andic escatucion Aita Eternoari bere etsay gaizguille guztien barcacioa. Itceguin cion bere Ama maite atsecabez nabaguetuari. Adierazo ceban bucatu cirala Escritura Santeac eta Igarla

edo Profetac aren pasioaren gañean
anciñatic azaldu cituzten gauzac.
Eguin cebala osotero bere gain ar-
tutaco eguinquin andia, eta az-
quenean eguin ceban deadar andi
bat, esaten cebala, Aita, zure es-
cuetan lagatzen det nere espiritua,
eta itz oer bucatzean illtzan guizona
zan aldetie, bere burua macurturic
escuirontz. ¡Bay, nere arima! Illt-
zan Jesus ona, zu saluateagatic,
edo ceruan zu beti beti bici cintecen
eta baldin amodioari amodioa zor
bazayo, zoazquio berpertatic esquer
onac ematera, eta agur humill go-
zo gozoac eguitera. Orrembeste, ta
ascoz gueyago ta gueyago zor dio-
zu bay zue Aita biotz bigun mai-
tati orri; zoazquiobada zure becatu
guztien barcacioaren esque; orra
non dezun, nay bezalaco era, Jaun
maitagarri orrequin paqueacta adis-

quidetasuna eguiteco, ezdu, ez, zure
albotie igues-eguingo, baña ¿nola
ignes joan alditeque baldin zugana-
co daucan amodio bero gartsuac
lotu ta josirie badauzca beraren on
ta escuac, cerorrec argui ta garbi
dacutsun bezala? Beguirá nola be-
soac zabalduric dauzcan zu lastan
gozo estu estuaquin artutzeo, bal-
din biotzeo damuz beragana iraul-
ten bacera. Beguirá nola, ta cem-
bateraño daucan ascaturic bere sa-
yets seyadu edo sagradua, zu be-
regana artu ta etsay gaiztoen ten-
tamendu charretatic segurur gor-
detceco. Beguirá azquenic, nola be-
re burua macurturic dey ta deya,
beñere asperta bague, beti ari zatzun
eta alaishere zue, nere arima, entzun-
gor eguiten dituzu mandatu ain go-
zo naigarriac, eta zabiltza zure Jaun
ta Jabearen iceneco neque arrastaca

ta naibague guztien iguesi. ¡Ay nere
Jesus ona! ¡Ay nere Aita gozoal Ez
da munduan jayo, nie becin gaizqui
zure amodio andiari erantzunpidetu
izan dionie; eta orain lecu ematen
dirazun ezquero nere utseguinac zu-
centceco ¡certan eta ceren beguirá
nago, itsu, mutu, ta gor eguiñie?
¡Ea bada, nere Jaun andial biguñdu
eguidazu arren, izozturic daucaran
biotz gogor au, zure amodioaren
berotasunac urtu, ta negarrez be-
guiaç iturri bi eguiñie maitatu zait-
zaran beti ta beti. ¡Oh nere Jabe
ona! ¡Cein zori onecoa nitzaquean
ni, zu atsecabatu zaituralaco miñez,
bertan ta bereala illeo banitz! Damu
det, Jauna, nere biotz guztitac zu
ofenditua, urruqui zaitex nizaz. Aita
gurea, eta Ave Maria.

AMAIRUGARREN GUERALDIA.

*Jesu Chrioren gorputz, santua gu-
rutetic jetsi, ta Ama Virginaren
besoetan ifni zuten lecu.*

Bucatu ciran bay, nere arima,
bucatu ciran Jesusen eriotzarequin
aren neque guztiaç, bañan etciran
ez, aitu aren Ama maitearenac, bai-
cican ordu berpertatic ugaritu ciran
¿nore daqui cembateraño? Edocein
gurasoac bere ume maite bat icusi
ezquero nequetan arkitzen dala,
joaten da lasterca berarengana, eta
laguntzaren bat eguiten diolaco po-
zarequin, arintcen ditu certcho bat
bederic bere atsecabe astunac. Ordea
Jesusen Ama maiteac icusiarren be-
re Seme biotcecoa nequeric gogor-
ren ta andicnean; ecin lagundu ce-

quiquean batere. Icusten ceban nola cegoan Jesus gurutzean illa, burutic oñetaraño zauri bat eguñie; guztia ubeldu ta odolez betea. Nai zuquean andie erachi, prestatu zan nolaerehait obiratzeco; bañan bere beguetatit Seme maitearen gorputza quendu ezquero, guelditcen zan illuntasunezco bacardaderic urruarienean; eta alan, nay cegoela Jesus bere gurutzean, nay andie quendu cezatela, guztia zan Ama Virginarentzat atsecabegaya, eta beraren biotza naigabez erdiraturic, arras urrateco bidea. ¡Ay Ama guztiz ansiatua! Orduco zure illtura gogor eta atsecabe samia, esan alguztien gañecoac gaitie, edo gurutzearen oñean zure errayetaco Seme maiteari beguira eraman ceniluen neque ta oñace portitcen-gaitie, iritsi eguidazu arren zure Seme onagandic,

oraindaño eguin dituran becatu guztien bareacioa. Niri etzail ori zor cergaitic zure Seme onelsia aimbeste bider atsecabetu deran. Eguiazqui alaishenda, baña ¡Ay nere bitarteco on guztiz leyal gozoa! damu det anitz bera danagaitie, damu det bay, nere biotz guztitic, Jaungoico maitagarria, zu ofenditua urruqui zaite nizaz. *Aita gurca, eta Ave Maria.*

AMALUGARREN GUERDIA.

Jesusen gorputza ceratu, lurpetu edo sepulturan sartu zuten lecuá.

¿Nola gueldituco zan Virginia Ama-andrea, Jesusen gorputza lurpetu zutenean? ¿Cembateraño illontasun ta naibaguerequin? ¡Ay ura despediraren mingarria! Bes-

teric eciñac, eta bear bearrac aldondu ceban, bay, Galvarioco menditic, bere Seme maitea lurpean lagatuta, eta andie echerontcean icusico ceban biotza bete bete eguiten citzayolaric, nola Judu gogorac osticopean cerabilten Jaungoico guizonaren odola, edocein guizonena balitz bezala, eta icusquera mingarri onequin berritotuco ciran neurriaz campora, Ama Virginarene neque ta naibague samiñac. ¡Orra, nere arima, cein garesti iriten citzayen Jesus onari, eta bere Ama maiteari ceruraco escubidea zuri iraultea! Aditudezu bada arguiro, cenitrat illtura edo tormentu, neque ta arrastacaren bidez erosi-ric atera cinduen Jesu Cristoc etsay galgarrien atzapar garratzetatic; eta zuc nere arima, ¿ez dituzu utzico oraindaño galbide ta oitura gaiz-

toac? ¡Bay baldin badere!; bestela Juduac berac baño ere gogorrac eta biurriagoa cera zu, cerren ayea etzuten gurutz-illtatu, bein baicic, Jaungoicoaren Semea; bañan zuc becatu eguiten dezun aldi-oro daramazu berriro gurutzean jositzera, eta berriztatcen dituzu aren Pasio Santuco, neque, arrastaca, ta illtura edo tormentu icaragarriac. ¡Ay nere Jesus guztiz ona! Cein guichi oroitcen nintzan ni zuzaz, munduco atseguin lizun, eta zoraqueria caltarquitsuetan nembillenean. Eta orain berandu badere ¿ez ote naiz centzatuco? ¿ez ote naiz emendic aurrera damutasun andi batequin zucen, eta garbiroqui bicico zuri aserrerazo ta atsecaberie gueyagoren gueyago eman bague? ¡Bay, nere Jesus biotcecoa, bay! Zuri esquer onac ematen bicico naiz garbiro

44
 gaurtic aurrera, zure laguntza ta
~~duy~~arequin batean, eta cergaitie
 oraindañocoan bici izan ez naizan
 ondo, damu det Jauna, damu det
 nere biotz guztitie zu ofenditua, ur-
 ruqui zaitez nizaz. *Aita gurea, eta*
Ave Maria.



GALBABIOCO VIDEA.